

四庫全書

子部

欽定四庫全書

子部

御定淵鑑類函卷二百六十五

詳校宮閣學士臣尹壯圖

主事臣祁韻士覆勘

總校官進士臣繆琪

校對官庶吉士臣吳省蘭

謄錄監生臣陸潮愈

欽定四庫全書

御定淵鑑類函卷二百六十五

人部二十四

怨 怨 怨 喜
怨 怨 怨 懼

怨

原左傳曰子產云我聞忠善以損怨不聞作威以防怨
又曰君子之言信而有徵故怨遠于身小人之言僭
而無徵故怨咎及之 增國語曰夫事君者勞而不懟
怨而不怒 原春秋潭潛巴曰河水逆流怨氣盛也

管子曰凡禍亂之所生生于怨咎怨咎之所生生于非
理故曰閉禍在除怨 增文子曰人有三怨爵高者人
妬之官大者王惡之祿厚者怨處之夫爵益高者意益
下官益大者心益小祿益厚者意益薄 楚辭曰怨靈
脩之浩蕩終不察夫民心

怨二

原詩序曰角弓父兄刺幽王也不親九族而好讒佞骨
肉相怨故作是詩也 增禮表記曰虞夏之道寡怨于

民 左傳曰宋華元將與楚戰殺羊食士其御羊斟不
與及戰曰疇昔之羊子為政今日之事我為政與入鄭
師故敗君子謂羊斟非人也以其私恨敗國殄民 原
又曰晉侯賞從亡者介之推不言祿祿亦弗及其母曰
盍亦求之以死誰懟對曰尤而效之罪又甚焉且出怨
言不食其食 增又曰季郕之雞鬪季平子
郕昭伯季氏介其
雞郕氏為之金距平子怒益宮于郕氏且讓之故昭伯
怨平子 原又曰晉郤至獻楚捷于周與單襄公語驟

稱其伐單子語諸大夫曰溫季其亡乎位于七人之下
而求掩其上怨之聚亂之本也多怨而階亂何以在位
夏書曰怨豈在明不見是圖將慎其細也今而明之其
可乎 增又曰魯平子欲使昭子逐叔孫小小不敢朝
昭子命吏謂小曰吾不為怨府 原又曰吳公子札來
聘請觀于周樂為之歌周南召南曰美哉始基之矣猶
未也然勤而不怨為之歌小雅曰美哉思而不貳怨而
不言其周德之衰乎 增晏子春秋曰景公籍重而獄

多拘者滿圀怨者滿朝 戰國策曰秦使陳馳誘齊王

建入秦遷之共處之松柏之間餓而死齊人怨建聽姦
人賓客不早與諸侯合從以亡其國歌之云松耶柏邪
住建共者客邪 原淮南子曰和氏之璧夏后之璜揖
讓而進之以合歡夜以投人則為怨時與不時也 增

戰國策曰趙襄子怨智伯漆其頭為飲器 漢書曰汲

黯列九卿而公孫弘張湯為小吏及弘湯稍與黯同位
而尊用過之黯心褊不能無怨望見上言曰陛下用羣

臣如積薪耳後來者居上 晉書曰趙王倫諂事賈后
裴頠甚惡之倫數求官頠與張華固執不許由是深為
倫所怨 又曰晉王衍常詣羊祜陳事辭甚俊辨祜不
然之衍拂衣而起祜顧謂賓客曰王夷甫方以盛名處
大位然敗俗傷化必此人也步闡之役祜以軍法將斬
王戎故戎衍並憾之每言論多毀祜時人為之語曰二
王當國羊公無德 唐書曰李逢吉有恨于裴度李吉
甫故擯李德裕不用及為相詠度使與元稹相怨奪其

宰相而已代之欲引牛僧孺益樹黨乃出德裕為浙西
觀察使俄而僧孺入相由是牛李之憾遂成 宗元通
鑑曰安燾與章惇為布衣交惇覬其助已而燾不為之
用遂有隙惇用白帖貶謫元祐臣寮燾言于帝帝疑之
惇怨益深 又曰初章惇疑曾布在樞府間已使林希
為貳以相伺察希日為布所誘且恨惇不引為執政漸
有怨隙邢恕承惇意論罷之 又曰鄭居中為鄭貴妃
從兄弟歷官通顯始蔡京以星變免官居中語帝復用

京既而怨京不援乃復間京

怨三

增禮著復仇

傳明敵怨

禮記父之讐弗與共戴天兄弟之讐不反兵交遊之讐不

同國

左傳史駢曰前志有之曰敵惠敵怨不在後嗣

忠之道也

介人之寵以報私怨非勇也損怨益仇非智

也以私害

公非良也 毫髮為瑕 睚眦必報 鮑昭詩毫髮一為

公非良也

范曄傳一飯之德必償睚眦之怨必報又晉孫

盛曰劉琨王浚

睚眦起于絲髮興敗成于丘山 小白

用管寧報射鉤之仇

重耳見披豈念斬祛之怨 史記齊世

家小白奔莒魯使管仲

遮莒道射中小白帶鉤小白立

是為桓公遺魯書曰

召忽管仲仇也請得而甘心醢之

是為桓公遺魯書曰

召忽管仲仇也請得而甘心醢之

是為桓公遺魯書曰

召忽管仲仇也請得而甘心醢之

名忽自殺管仲請囚鮑叔牙曰君欲伯王非管夷吾不可于是桓公從之仲及堂阜而脫枉倍厚禮以為大夫左傳晉重耳奔蒲獻公使寺人披伐蒲重耳踰垣而走披斬其袪及反國披請見文公辭焉披引齊桓公射鉤事以對乃見之

怨四

增五子咸怨

書太康尸位以逸豫滅厥德黎民咸貳乃盤遊無度畋于有洛之表有窮后羿因民

弗忍距于河厥弟五人御其母以從羿于洛之汭五子咸怨述大禹之戒以作歌

構怨

傳桓王失

信諸侯皆叛構怨連禍

修怨

傳吳子伐陳復修舊怨也曰夫差不修德而修怨也

悲怨

作歌

詩所曰漢寶元狀貌絕異天子使出其妻妾以公主妻怨作書及歌別元云悲哉寶生衣不厭新人

不厭故悲不可忍怨不可去彼獨何人而居斯處時人憐而傳之

孔都之怨

後漢書孔融都

慮互相短長以致不睦又曰慮以徵法奏免融官因顯明仇怨

怨毒

詩所曰孫皓遷都武昌民所流

供給咸怨毒焉

舉烟

又曰符堅之末亂也關中土然無火而烟氣大起方數十里月餘不滅堅每臨

聽令民有怨者舉烟于城北觀而錄之語曰欲得必存當舉烟

怨軍

宋元通鑑遼主自燕至陰涼河

募遼東人為兵使報怨于女真號曰怨軍

怨五

原詩魏阮瑀詩曰民生受天命漂若河中塵雖稱百齡壽孰能應此身猶獲嬰凶禍流離恒苦辛 宋鮑昭行

路難曰君不見河邊草冬時枯死春滿道君不見城上
日今暝沒西山明朝復更出今我何時當得然一去永
滅歸黃泉人生苦多歡樂少意氣敷腴在盛年且願得
志數相就牀頭恒有沽酒錢功名竹帛非我事存亡貴
賤委皇天 又曰瀉水置平地各自東西南北流民生
亦有命安能行歎復坐愁酌酒以自寬舉杯斷絕歌路
難心非木石豈無感吞聲躑躅不敢言 增又曰奉公
金卮之美酒瑤瑁玉匣之雕琴七絳芙蓉之羽帳九華

蒲萄之錦衾紅顏零落歲將暮寒光宛轉時欲沈頽君
裁悲且減思聽我抵節行路吟不見柏梁銅雀上寧聞
古時清吹音 又曰洛陽名工鑄為金博山千斲復萬
鏤上刻秦女攜手仙承君清夜之歡娛列置幃裏明燭
前外發龍鱗之丹綵內含麝芬之紫烟如今君心一朝
異對此長歎終百年 又曰璇閨玉墀上椒闥文窓繡
戶垂羅幕中有一人字金蘭被服纖羅采芳藿春燕參
差風散梅開幃對景弄春爵含歌攬涕恒抱愁人生幾

時得為樂寧作野中之雙鳬不願雲間之別鶴 又曰

對案不能食拔劍擊柱長歎息丈夫生世會幾時安能
蹀躞垂羽翼棄置罷官去還家自休息朝出與親辭暮
還在親側弄兒牀前戲看婦機中織自古聖賢盡貧賤
何患我輩孤且直 又曰剡藤染黃絲黃絲歷亂不可

治我昔與君始相值爾時自謂可君意結帶與君言死
生好惡不相置今朝見我顏色衰意中索寞與先異還
君金釵玳瑁簪不忍見之益愁思 又曰春禽喈喈旦

暮鳴竅傷君子憂思情我初辭家從軍僑榮志溢氣干
雲霄流浪漸冉經三齡忽有白髮素髭生今暮臨水拔
已盡明日對鏡復已盈但恐羈死為鬼客客思寄滅生
空精每懷舊鄉野念我舊人多悲聲忽見過客來問我
寧知我家在南城答云我曾居君鄉知君遊官在此城
我行離邑已萬里今方羈役去遠征來時聞君婦閨中
孀居獨宿有貞名亦云朝悲泣間房又聞暮思淚沾裳
形容憔悴非昔悅蓬鬢衰顏不復妝見此令人有餘悲

但願君懷不暫忘

宋湯惠休怨詩行曰明月照高樓

含君千里光
巷中情思滿
斷絕孤妾腸
悲風盪帷帳
瑤翠坐自傷
妾心依天末
思與浮雲長
嘯歌視秋草
幽葉豈再揚
暮蘭不待歲
離華能幾芳
願作張女引
流悲繞君堂
君堂嚴且秘
絕調徒飛揚
原齊謝朓玉階怨詩

曰夕殿下珠簾
流螢飛復息
長安縫羅衣
思君此何極
增又和王主簿
怨情詩曰掖庭
聘絕國
長門失歡宴
相逢詠靡蕪
辭寵悲團扇
花叢亂數蜨
風簾入雙燕
徒

使春帶賒坐惜紅妝變平生一顧重宿昔千金賤故人
心尚爾故心人不見 原梁元帝送西歸內人詩曰秋
氣蒼茫結孟津復送巫山薦枕神昔時慊慊愁應去今
日勞勞長別人 又豫章王蕭綜聽鐘鳴詩曰歷歷聽
鐘鳴當知在帝城西樹隱落月東窓見曉星霧露朏朏
未分明烏啼啞啞已流聲驚客思動客情客思鬱縱橫
翩翩孤雁何所棲依依別鶴半夜鳴今歲行已暮雨雪
向淒淒飛蓬旦夕起楊柳尚翻低氣鬱結涕滂沱愁思

無所託強作聽鐘歌

又范雲登城怨詩曰楚妃歌修

竹漢女奏幽蘭獨以閨中笑豈知城上寒

又劉孝綽

班婕妤怨詩曰應門寂已閉非復後庭時况在青春日

萋萋綠草滋妾身似秋扇君恩絕履綦詎意遊輕輦從

今賤妾辭

增陶弘景寒夜怨詩曰夜雲生夜鴻驚悽

切嘹唳傷夜情空山霜滿高烟平鉛華沈照帳孤明寒

月微寒風緊愁心絕愁淚盡情人不勝怨思來誰能忍

梁王僧孺秋閨怨詩曰斜光隱西壁暮雀上南枝風

來秋扇屏月出夜燈吹深心起百際還淚非一垂徒勞
妾辛苦終言君不知 又為何庫部舊姬擬薜蘿之句
出戶望蘭薰寒簾正逢君斂容裁一訪新知詎可聞新
人含笑近故人含淚隱妾意在寒松君心逐朝槿 又
為人寵姬有怨詩曰可憐獨立樹枝輕根易搖已為露
所浥復為風所飄錦衾襞未開端坐夜及朝是妾愁成
瘦非君重細腰 又為姬人自傷詩曰自知心裏恨還
向影中羞迴持昔慙慙變作今悠悠還君與妾扇歸妾

奉君衷斷弦猶可續心去寂難留 原又吳均行路難
曰洞庭水上一株桐經霜觸浪向嚴風昔時抽心曜白
日今旦卧死黃沙中洛陽名工見咨嗟一剪一刻作琵琶
白壁規心學明月珊瑚映面作風花君王見賞不見
忘持攜把握登建章掩抑摧藏張女彈殷勤促柱楚明
光年年月月對君子遙遙夜夜宿未央未央綵女棄鳴
篴爭見拂拭生光儀茱萸錦衣玉作匣安念昔日枯樹
枝不學衡山南嶺桂至今千載猶未知 又曰青瑣門

外安石榴連枝接葉夾御溝金墉城西合歡樹垂條照
采拂鳳樓遊俠少年遊上路傾心顛倒相戀慕摩頂至
足買片言開胸瀝膽取一顧自言家在趙邯鄲翩翩舌
杪復劍端青驪白駝的盧馬金羈綠鞵紫絲鞵蹀躞橫
行不肯進夜夜汗血至長安長安城中諸貴臣爭貴儒
者席上珍復聞梁王好學問輕棄劍客如埃塵吾丘壽
王始得意司馬相如適被申大才大辨尚如此何況我
輩輕薄人 又曰君不見西陵田從橫十字成陌阡君

不見東郊道荒涼蕪沒起寒烟盡是昔日帝王處歌姬
舞女達天曙今日翩妍少年子不知華盛落前去吐心
吐意許他人今且迴惑生猶豫山中桂樹自有枝心中
方寸自相知何言歲月忽若馳君之情意與我離還君
玳瑁金雀釵不忍見此使心危又曰君不見長安客
舍門娼家少女名桃根貧窮夜紡無燈燭何言一朝奉
至尊至尊離宮百餘處千門萬戶不知曙唯聞啞啞城
上烏玉欄金井牽轆轤丹梁翠柱飛流蘇香新桂火炊

雕菰當年翻覆無常定薄命為女必已麤 又費昶長
門怨詩曰向夕千悲起百恨何嗟及愁思且歸床羅襦
方掩泣絳樹搖風軟黃鳥弄聲急金屋貯嬌時不言君
不入 又孔翁歸班婕妤怨詩曰長門與長信日暮九
重空雷聲聽隱隱車響絕籠籠恩光随妙舞團扇逐秋
風鉛華誰不見人意自難同 又何思澄班婕妤詩曰
寂寂長信曉雀聲愁洞房蜘蛛網高閣駁薜被長廊虛
殿簾帷靜閒階花蕊香愁心視日暮還復守空林 又

施榮泰王昭君詩曰垂羅下椒閣舉袖拂胡塵唧唧撫

心歎蛾眉誤殺人 又徐悱妻劉氏班婕妤怨詩曰日

沒應門閉愁思百端生況復昭陽近風傳歌吹聲寵移

真不恨讒枉太無情祇言爭分理非妬舞腰輕 又王

叔英妻劉氏王昭君怨詩曰一生竟何定萬事良難保

丹青失應圖匣玉成秋草相接辭關淚至今猶未燥漢

使汝南還殷勤為人道 又范靖妻沈氏昭君歎詩曰

早信丹青巧重賂洛陽師千金畫雲鬢百萬寫蛾眉

陳陰鏗班婕妤詩曰柏梁新寵盛長信昔恩傾誰謂書
畫巧翻為歌舞輕花月分窓進苔草共階生憶淚衫前
滿單眠夢裏驚可惜逢秋扇何用合歡名 陳昭昭君
辭曰跨鞍今永訣垂涕別親賓漢地隨行盡胡關逐望
新交河壅塞霧隴日闔沙塵唯有孤明月猶能遠送人
增唐蕭嵩婕妤怨曰不分君恩斷新妝視鏡中容華
尚春日嬌愛已秋風枕席臨窓曉帷屏向月空年年後
庭樹榮落在深宮 王維班婕妤詩曰玉窓螢影度金

殿人聲絕秋夜守羅帷孤燈耿不滅 又曰怪來妝閣
閉朝下不相迎總向春園裏花間語笑聲 王諶後庭

怨曰君不見紅閨少女端正時天天桃李仙容姿幸得
君王憐巧笑披香殿裏薦蛾眉蛾眉雙雙人共進常恐
妾身從此擯甄妃為妬出層宮班女因猜下長信長信
宮門閉不開昭陽歌吹風送來夢中魂魄猶言是覺後
精神尚未迴念君嬌愛無終始使妾長啼後庭裏獨立
每看斜日盡一坐直至孤燈死秋日聞蟲翡翠簾春晴

照面鴛鴦水紅顏舊來花不勝白髮如今雪相似傳聞
紈扇思未歇預想蛾眉上初月如君貴偽不貴真還同
棄妾逐新人借問南山松葉意何如北砌槿花新 王

昌齡西宮春怨詩曰西宮夜靜百花香欲捲珠簾春恨
長斜抱雲和深見月朦朧樹色隱昭陽 又西宮秋怨

詩曰芙蓉不及美人妝水殿風來珠翠香却恨含情掩
秋扇空懸明月待君王 崔國輔怨詞曰樓頭桃李疎
池上芙蓉落織錦猶未成蛩聲入羅幕 李白夜坐吟

曰冬夜夜寒覺夜長沈吟久坐坐北堂水合井泉月入
閨金缸青凝照悲啼金缸滅啼轉多掩妾淚聽君歌歌
有聲妾有情情聲合兩無違一語不入意從君萬曲梁
塵飛 又玉階怨詩曰玉階生白露夜久侵羅襪却下
水晶簾玲瓏望秋月 又怨情詩曰美人捲珠簾深坐
顰蛾眉但見淚痕濕不知心恨誰 又長門怨詩曰天
迴北斗挂西樓金屋無人螢火流月光欲到長門殿別
作深宮一段愁 朱琳開緘怨詩曰夫婿邊庭久幽閨

恨幾重玉琴知別日金鏡識愁容懶寄雲中服慵開海上封年年得衣慣且試莫裁縫
皇甫冉秋怨詩曰長信多秋色昭陽借月華那堪閉永巷聞道選良家
又婕妤怨詩曰花枝出建章鳳管發昭陽借問承恩者雙蛾幾許長
雍陶美人春風怨詩曰澹蕩春風滿眼來落花飛蝶共徘徊偏能飄散同心結無那愁眉吹不開
又貧居春怨詩曰貧居盡日冷風烟獨向簷牀看雨眠寂寞春風花落盡滿庭榆莢似秋天
馬戴雀臺怨

詩曰魏宮歌舞地蜨戲鳥還鳴玉座人難到銅臺雨滴
平西陵樹不見漳浦草空生萬恨盡埋此徒懸千載名

劉滄洛神怨詩曰子建東歸恨思長飄飄神女步池
塘雲鬢高動水宮影珠翠乍搖沙露光心寄碧流空婉
孌夢殘春色自悠揚停車綺陌傍楊柳片月青樓落未

央曹鄴怨歌行曰丈夫好弓劍行坐說金吾喜聞有
行役結束不待車官田贈倡婦留妾侍舅姑舅姑皆已
死庭花半是蕪中妹尋適人生女亦嫁夫何曾寄消息

他處却有書嚴風厲中野女子心易孤貧賤又相負封

侯意何如 又金井怨詩曰西風催急景美人照金井

不見面上花却恨井中影 張喬長門怨詩曰御泉長

繞鳳凰樓自是恩波別處流閒櫟舞衣歸未得夜來砧

杵六宮秋 陸龜蒙洞房怨詩曰玉插朝扶鬢金梯晚

下臺春衫將別淚一夜兩難裁 鄭谷長門怨詩曰流

水君恩共不回杏花爭忍掃成堆殘春未必多烟雨淚

滴閒階長綠苔 高蟾長門怨詩曰天上何勞萬古春

君前誰是百年人
魂消尚愧金爐燼
思起猶慙玉輦塵
烟翠薄情攀不得
星芒浮艷採無因
可憐明鏡來相向
何似恩光朝夕新
王貞白湘妃怨詩曰
舜欲省蠻陬
南巡非逸遊
九山沈白日
二女泣滄洲
目極楚雲斷
恨深湘水流
至今聞鼓瑟
咽絕不勝愁
又長門怨詩曰
寂寞故宮春
殘燈曉尚存
從來非妾過
偶爾失君恩
花落傷容鬢
鶯啼驚夢魂
翠華如可待
應免老長門
韋莊宮怨詩曰
一辭同輦閉昭陽
耿耿寒宵禁漏長
釵上

翠禽應不返鏡中紅艷豈重芳螢低夜色棲瑤草水咽
秋聲傍粉牆展轉令人思蜀賦解將惆悵感君王 又
明妃詩曰不用牽心恨畫工帝家無策及邊戎香魂若
得昇明月夜夜還應照漢宮 崔道融長門怨詩曰長
門春欲盡明月照花枝買得相如賦君恩不可移 又
曰長門花泣一枝春爭奈君恩別處新錯把黃金買詞
賦相如自是薄情人 又班婕妤詩曰寵極辭同輦深
恩棄後宮自題秋扇後不敢怨春風 范浚讀長門賦

詩曰阿嬌負恃顏姝好那知漢帝恩難保一朝秋水落

芙蓉幾歲長門閉春草自憐身世等前魚舊寵全移衛

子夫獨夜不眠香草枕東廂斜月上金鋪曉驚永巷車

音近失喜疑君枉瑤軫臨風望幸立多時却是輕雷聲

隱隱年年織女會牽牛百子池邊侍宴遊自從一落離

宮後無復穿針更上樓姜夔琵琶洲詩曰松尾颼颼

石浪寒塞吟番曲轉聲酸人間無此春風手應是江妃

夜夜彈嚴羽蜀女怨詩曰幾時離月峽五見紫蘭凋

塞雁隨魂斷江花逐淚飄沙頭南北舍京口去來潮日
日無消息空登萬里橋岳珂長門怨詩曰驚風不成
雨雲行去無蹤妾生三十年著籍長門宮宮車轆轤春
雷曉明星初熒綠雲攪增成丙舍爭迎驚惟有長門閉
花鳥黃門聞玉題畫史圖蛾眉金鋪振瓊鑰玉秀生銅
池朝陽纔回金屋在轉盼不堪人事改入宮已作鄭袖
啼出塞那知延壽賣花殘鳥語頻長門春復春花鳥易
驚老兄復門內人東風動地夜來惡萬翠千紅繞簾幕

莫能自有匪石心
肯顧班姬秋扇薄
長門勿輕怨視此
篋中扇白華芳綠衣自古芳有之
孟鯁折花怨詩曰

匆匆杯酒又天涯
晴日牆東叫賣花
可惜同生不同死
却隨春色去誰家
金高廷玉飛山怨詩曰漢家自有

飛將軍軍中駭歎箭有神
一朝乃與獄吏對惜無千金
書牘背手把屬鏤口銜鬚
號天者三我何辜伊我壯志
長已矣不得提攜玉龍死
可憐休唱白浮鳩只合秦人
悲杜郵
元劉因明妃曲曰初聞丹青寫明眸
明妃私

喜六宮羞再聞北使選絕色六宮無慮明妃愁妾身只
有愁可必萬里今從漢宮出悔不別君未識時免使君
心憐玉質君心有愛在遠方寧恨妾身辭椒房飛鴻不
解琵琶語祇帶離愁歸故鄉 龍仁夫琵琶亭詩曰老
大蛾眉負所天忍將離怨付哀弦江心正好看明月又
抱琵琶過別船 范曄轆轤怨曰門前水揚聲似雨幽
人當窓碧弦語萬里征夫去不歸一雙蛾眉鏡中舞年
年井上攀轆轤勞心只恐秋葵枯他年種得長生草梅

花落盡青青好 周權明妃曲曰逝水無回波去箭無

反箭十載昭陽春萬里龍荒月風沙滿宮衣慘淡餘香
歌哀絃濕絲淚淚盡絲亦絕寄語漢飛將此計誠太拙
蛾眉豈長好不久為枯骨 薩都拉江南怨詩曰江南

怨生男遠遊生女賤十三畫得蛾眉成十五新妝識郎
面識郎一面恩猶淺千金買官遊不轉郎家水田跨州
縣大船小船過淮甸買官未得不肯歸不惜韶華去如
箭楊花簾幕飛乳燕疎雨梧桐閉深院人生無如江南

怨
楊維禎琵琶怨詩曰蜀絲鴛鴦織錦綃邏檀鳳凰
斷金槽絃抽甕繭五色毫變成十指聲嘈嘈冢頭青草
天山雪眼中紅冰嵬下血哀絃淒斷感精烈池上蕤賓
躍方鐵
劉炳寒夜怨詩曰月來愁亦來心憐月去愁
應改樓高月轉遲停針坐倚薰籠待月落却成眠誰知
枕冷愁仍在
劉永之行路難曰涉水多蛟龍跋山多
猛虎荒城荆棘上參天大澤修蛇橫草莽百里慘黯無
人煙驅車暝行陷泥滓前車軸折後車來行人不覺旁

人哀眼前道路已如此何況太行高崔嵬為君歌路難
請君試一聽位高金多豈足貴擊鐘鼎食未是榮東溝
水流西溝涸昨日花開今日落世事榮枯反覆手七尺
之軀安所托古來賢達人與時同卷舒龐公鹿門隱馬
生鄉曲居款段聊乘下澤車何用終朝出畏途 明劉
基長門怨詩曰白露下玉除風清月如練坐看城上螢
飛入昭陽殿 又班婕妤詩曰昭陽秋清天如練笙歌
嘈嘈夜開宴長信宮中辭輦人獨倚西風咏紈扇傾城

自古有褒姒紅顏失寵何須怨泠泠玉漏掩重門一點
金釭照書卷 又宮怨詩曰何處春風拂苑牆飛飛片
片入昭陽多情尚有池邊柳留得啼鶯伴日長 王中
長門怨詩曰昭陽歌吹入獨自淚雙垂玉貌無如妾君
恩復在誰涼風搖繡戶明月隔金閨愁絕無人見流螢
點翠帷 高啟長門怨詩曰憎寵一時心塵生舊屋金
苔滋銷履跡花遠度鑾音暮雀重門迴秋螢別殿陰君
明猶不察妬極是情深 又征婦怨詩曰良人不顧封

侯印虎符遠發當番陣幾夜春閨惡夢多竟得將軍覆
軍信身沒猶存舊戰衣東家火伴為收歸妾生不識邊
庭路尋骨何由到威武紙幡剪得招魂去只向當時送
行處 貝瓊行路難曰采玉于閼河問君勃律何時過
采珠鮫人室問君百粵何時出珠玉歲久同為塵君胡
重利不重身海有波缺我楫山有石摧我輪行路難出
門即羊腸何況萬里道管叔危周公匡人仇魯叟尊有
酒盤有壺鼓坎坎歌烏烏海不可涉山不可徒路旁之

人愛爾玉與珠行路難我以為父安知非虎我以為兄
安知非狼仰天悲歌泣下沾裳 梁寅玉階怨詩曰團

扇且棄置夕氣涼轉添流螢點魚鱗墮葉近蝦簾羅衣
舊恩賜不令珠淚霑 又怨歌行曰雲母屏風零露涼

蒲萄錦衾殘月光羞看繡帳雙鴛帶徒費薰衣百和香

一 寶釵頭上千黃金可憐墮井無復尋情如秋嶺朝朝

淡愁似春江日日深 二 鵲渙青樓怨詩曰錦樓花霧

飄綠塵芙蓉屏深凝殘春微酣著人嬌欲睡綵雲載夢

隔湘水雙螺小娃催理妝粉綿拂拭鸞鏡光濃黛掃眉
桂葉長涼露濯手薔薇香家本石城南市住早年悔作
青樓娼十八梳成金翅髻青蟲簪滑鴉背膩歌聲繞梁
揭塵起細簧咽秋鳳雛語翠綃舞衣珠珮結研金天鵲
銀蛺蝶神女騎龍別楚宮巫雲蜀雨隨峽風別離何多
歡樂少牛女隔河怨秋老黃衫少年下樓去馬蹄隆隆
浩無主王璵瑤琴怨詩曰多情莫學澤中蘭有恨莫
為江上蓮蘭心守死心不改蓮根折斷絲猶牽君不見

天荒地老皆如此千古湘娥怨湘水至今血淚灑叢篁
點點香含露痕紫淞陽西望烟淒淒鷓鴣飛入烟中啼
蒼梧波杳彩雲滅萬里孤光秋月迷西風北渚蘋花白
歸夢未知身是客夜彈瑤瑟渡江來九疑翠黛濃如滴
瞿佑折花怨詩曰雙飛蝴蝶翻金粉風裏流螢棲未
穩銀瓶汲水漾漣漪下階自揀珊瑚枝雖然得入華堂
裏未必春光願如此樹頭花落還結子瓶內明朝抱香
死蘇平班婕妤好詩曰一自辭同輦深宮草又生甘隨

紈扇棄猶記玉階行明月愁中影流鶯夢裏聲笙歌前
殿夜教妾若為情 鄒亮長門怨詩曰寵極愛憐初憎
生妬忌餘隔花聞鳳吹卷幔望鸞輿夜月開金屋秋塵
暗綺疏悲愁誰解賦惟有馬相如 又長信宮詩曰妙
舞方承寵愁懷獨感傷金輿門外度紈扇篋中藏別殿
閒秋月空階粲曉霜涼飈太情薄渾不到昭陽 又雜
怨詩曰漾舟采芙蓉迴橈過蓮浦與君剖蓮房試看誰
心苦 徐庸玉階怨詩曰宮院生秋草流螢入夜飛玉

階零白露涼沁越羅衣 銣績蕩婦怨詩曰蕩子行天

涯行行日云賒詎知閨中婦夙昔減容華憶夫上青山
下車逢狹邪路遙不可見拭淚徒怨嗟慎勿令婦嗟宕
子早還家不應靡蕪草化作菖蒲花 張璠吳宮怨詩

曰水殿新涼生白苧紫金鴛鴦錦雲裏吳王醉擁捧心
人七寶牀中嬌不起粉黛三千鎖別宮畫船相憶採芙
蓉芙蓉未老白露濃館娃嫋嫋生西風 又姨姪春怨
詩曰太液柳垂絲昭陽花滿枝如何長信草獨是見春

避 李東陽申生怨詩曰十日進一胙君食不得嘗讒

言豈無端兒罪誠有名兒心有如地地墳終自傷兒生
不如犬犬得死君傍天地豈不廣日月豈不光悲哉復
何言一死以自明 又綿山怨詩曰五蛇上天一蛇蟄
綿山經月火不滅君侯恩重翻為仇不如放作山中囚
君侯有臣一非少貪天之徒但自保臣心見母不見君
誰言母死非君恩今辰何辰夕何夕留與千年作寒食
又淮陰歎詩曰營門晝開齊犬吠蒯生相人先相背

古來鳥盡良弓藏近時刻頸陳與張功成四海身無地
歸楚楚疑歸漢忌極知猶豫成禍胎時平時不再來
君王恩深辨士走淮陰胸中血一斗婦人手執生殺機
赤族不待君王歸君王歸神為惻獨不念秋毫皆信力
舍人一嗾彭王殂淮陰之辭真有無噫吁戲淮陰之辭
真有無 又數奇歎詩曰匈奴七十戰戰戰不得當一
當遂失道憤激摧肝腸君恩念數奇將令抑不揚白頭
恥下獄飲泣橫干將敢也報父讐寧為刺客死路傍隴

西世節氣此志亦可傷陵乎爾誠才胡為辱死天一方

又明妃怨詩曰莫倚朱顏好妍媸無定形莫惜黃金
貴能為身重輕一生不識君王面不是丹青誰引薦空
將艷質惱君懷何似當時不相見君恩幸顧苦不早不
及春風與秋草却羨蘇郎男子身猶能仗節長安道休
翻胡語入漢宮祇恐伶人如畫工畫工形貌尚可改何
況依稀曲調中 又弄潮怨詩曰莫弄潮潮水深殺人
莫射潮中有孝女魂魂來父與遊魂去父與沈潮能殺

人身不能溺人心潮水有盈縮人心無古今 彭華明

妃曲曰抱得琵琶不忍彈胡沙獵獵雪漫漫曉來馬上

寒如許信是將軍出塞難 徐禎卿落花怨詩曰青枝

參差露華浥落花辭春不能泣芳閨少年對躊躇有情

無言空怏悵落花含羞擬借問顏色與卿不相及江上

橫波暮轉深江干燕泥生紫蘋前程零落不可保多謝

嬌癡薄命人 黃省曾琵琶亭詩曰殘照皋亭夕秋風

旅雁飛琵琶千載恨淚滿逐臣衣 又班婕妤詩曰夢

斷清宵月愁深長樂宮無勞怨團扇漸冷是秋風何

景明瑤瑟怨詩曰美人竹間亭虛簾空月華相思湘江
曲淚盡生斑花花開為誰好花落不復掃出戶見春風
低頭怨芳草坐彈五十弦起視江月殘愁弦不堪聽手
澀金雁寒一彈正淒切再彈轉嗚咽三彈撥幽腸聲亂
冰絲結西風吹芙蓉一夜落微紅豈知瑤瑟音能消青
鏡容汪本邊夫怨詩曰一枝長戟六鈞弓千里山河
百戰中惆悵故園衣不到邊城容易起秋風蔣山卿

王昭君詩曰拭淚新裘束朝來殿裏辭何堪辭訣日却
是見憐時漢騎臨關少胡笳出塞遲琵琶寫哀怨淒切
轉添悲

原賦漢董仲舒士不遇賦曰嗚呼嗟乎邈哉邈矣時來
曷遲去之速矣屈意從人非吾徒矣正身俟時將就木
矣心之憂兮不期祿矣遑遑匪寧祇增辱矣弩力觸藩
徒摧角矣不出戶庭庶無過矣重曰生不丁三代之盛
隆兮而丁三季之末俗末俗以辨詐而期通貞士以耿

介而自束雖日三省于吾身猶懷進退之唯谷彼寔繁
之有徒指其白以為黑目信嫖而視渺口信辨而言訥
鬼神不能正人事之變庾聖賢亦不能開愚夫之違惑
出門則不可與偕往藏器又蚩其不容退洗心而內訟
固未知其所從觀上世之清暉廉士熒熒而靡歸殷湯
有卞隨與務光周武有伯夷與叔齊孰若反身于素業
莫隨世俗而輪轉雖矯情而獲百利不如正心而歸一
善又司馬遷悲士不遇賦曰悲夫士生之不辰愧顧

影而獨存恒克己而復禮懼志行而無聞諒才避而世
戾將逮死而長勤雖有行而不彰徒有能而不陳何窮
達之易惑信美惡之難分時悠悠而蕩蕩將遂屈而不
伸使公于公者彼我同芳私于私者自相悲芳天道微
哉吁嗟濶兮人理顯然相傾奪兮好生惡死才之鄙也
好貴夷賤哲之亂也昭昭洞達胷中豁也昏昏罔覺內
生毒也我之心矣哲已能忖我之言矣哲已能選沒世
無聞古人惟恥朝聞夕死孰云其否逆順還周乍沒乍

起無造福先無觸禍始委之自然終歸一矣 又司馬
相如陳皇后長門賦曰願賜問而自進兮得尚君之玉
音奉虛言而望誠兮期城南之離宮修薄具而自設兮
君不肯乎幸臨浮雲鬱而四塞兮天窈窕而晝陰雷隱
隱而響起兮聲象君之車音刻木蘭以為懷兮飾文杏
以為梁日黃昏而望絕兮悵獨託于空堂懸明月以自
照兮徂清夜于洞房援雅琴以變調兮奏愁思之不可
長案流微以却轉兮聲窈妙而復揚搏芬若以為枕兮

席荃蘭而莖香忽寢寐而夢想兮魂若君之在傍 班
婕妤自悼賦曰承祖考之遺德荷性命之淑靈登薄軀
於宮闈充下陳於後庭蒙聖皇之渥惠當日月之盛明
揚光烈之翕赫奉隆寵於增城既過幸於非位竊庶幾
乎嘉時陳女圖而鏡鑑顧女史而問詩歷年歲而悼懼
閔蕃華之不滋白日忽以移光遂暗漠以昧幽猶被覆
載之厚德不廢捐于罪尤奉供養於東宮託長信之末
流重曰潛元宮兮幽以清應門閉兮禁闈扃華堂塵兮

玉階苔中庭萋兮綠草生神渺渺兮密靜處君不御兮
誰為榮俯視兮丹墀思君兮履綦仰視兮雲屋雙涕兮
橫流顧左右兮和顏酌羽觴兮銷憂惟人生兮一世忽
一過兮若浮魏卞廙蔡伯喈女賦曰伊太宗之令女
稟神惠之自然在華年之二八披鄧林之曜鮮明六列
之尚致服女史之話言參過庭之明訓才朗悟而通玄
當三春之嘉月時將歸于所天曳丹羅之輕裳戴金翠
之華鈿美榮曜之所茂哀寒霜之已繁豈偕老之可期

庶盡歡於餘年何大願之不遂飄微軀于逆邊行悠悠
于日遠入窮谷之寒山慙柏舟于千祀負冤魂於黃泉
俄羈虜其如昨經春秋之十二忍胡顏之重恥恐終風
之我萃咏芳草于萬里想音塵之髣髴祈精爽于交夢
終寂寞而不至哀我生之何辜為神靈之所棄仰薜華
其已落臨桑榆之歛歛入穹廬之秘館亟踰時而經節
歎殊類之非匹傷我躬之無悅修膚體以深念歎蘭澤
之空設佇美目於無忌向凱風而泣血 梁江淹恨賦

曰試望平原蔓草縈骨拱木斂魂人生到此天道寧論
於是僕本恨人心驚不已直念古者伏恨而死若乃趙
王既虜遷于房陵薄暮心動昧旦晨興別艷姬與美女
喪金輿及玉乘置酒欲飲悲來填膺千秋萬歲為怨難
勝至如李君降北名辱身冤拔劍擊柱弔影慙魂若夫
明妃去時仰天太息紫臺稍遠關山無極搖風忽起白
日西匿隴雁少飛岱雲寡色望君王兮何期終蕪絕兮
異域至于敬通見抵罷歸田里閉關却掃塞門不仕左

對孺人右顧稚子脫畧公卿跌宕文史齋志沒地長懷
無已若夫中散下獄神氣激揚濁醪夕引素琴晨張秋
日蕭索浮雲無光鬱青霞之奇志入修夜之不暘或有
孤臣危涕孽子墜心遷客海上流戍隴陰此人但聞悲
風汨起泣下沾衿亦復含酸茹歎銷落湮沈若乃騎疊
跡車屯軌黃塵匝地歌吹四起無不烟斷火絕閉骨泉
裏已矣哉春草暮兮秋風驚秋風罷兮春草生綺羅畢
兮池館盡琴瑟滅兮邱隴平自古皆有死莫不歆恨而

吞聲

愁一

原莊子曰不知乎人謂之愚知乎則反愁我軀不仁則害人仁則反傷我身不義則傷彼義則反愁我已

愁二

原左傳曰晉人謀去故絳諸大夫曰必居郇瑕氏之地沃饒而近鹽魏獻子曰不如新田土厚水深居之不疾郇瑕氏土薄水淺其惡易覲覲則民愁愁則墊隘于是

乎有沈溺重腿之疾 又曰吳公子札來聘請觀于周

樂為之歌頌曰至矣哉哀而不愁

知命也

樂而不荒

節之以禮

吳越春秋曰越王念吳欲復讐愁心苦志中夜抱柱而哭承之以嘯羣臣聞之曰君王何愁心之甚也夫復讐謀敵非君王之憂自臣小之急務也 楚辭曰天問

者屈原所作也屈原放逐憂心愁悴彷徨山澤經歷陵陸嗟號日聞仰天歎息楚有先王之廟及公卿祠堂圖畫天地山川神靈奇偉及古聖賢怪物行事周流罷倦

休息其下仰見圖畫因書其壁呵而問之以洩憤懣書
寫愁思 又曰漁父者屈原所作也屈原馳逐江湘之
間憂愁吟歎而漁父避世隱身釣魚江濱欣然自樂時
遇屈原川澤之域怪而問之遂相應答 史記曰虞卿
著書八篇號曰虞氏春秋太史公曰虞卿非窮愁不能
著書自見於後世 後漢書曰梁冀妻色美善為妖態
作愁眉 郭子曰王東海 王丞字安期 初過江登瑯邪山歎
曰我由來不愁今日直欲愁

愁三

增愁城

庾信愁賦曰攻許愁城終不破盡許愁門終不

去愁愁終不肯去深藏

萬斛

誰知一寸心

寄愁

唐

長統詩寄愁天上埋憂地下

愁逼

段成式句愁逼夜長斜漢迴而

解愁

古詩所曰漢武帝為滕東王時長公主嫖有女

指長卿百餘人皆云不用指其女問曰阿嬌好否笑對

曰若得阿嬌作婦當作金屋貯之遂成婚及為后擅寵

驕貴十餘年而無子元光五年廢居長門宮愁悶悲思

聞司馬相如工文章奉黃金百斤令為解愁之辭相如

為作長門賦武帝見

無歡又曰魏陳思王植每欲別

而傷之更得親幸

見談及時政幸冀試用終

不能得時法制待藩國峻迫植
十一年而三徙都常汲汲無歡

看朱成碧

王僧孺詩
又武后詩

曰看朱成碧思紛紛
憔悴支離得憶君

愁四

原詩後漢張衡四愁詩曰我所思兮在泰山欲往從之
梁甫艱側身東望涕霑翰美人贈我金錯刀何以報之
英瓊瑤路遠莫致倚逍遙何為懷愁心煩勞 又曰我
所思兮在桂林欲往從之湘水深側身南望涕沾襟美
人贈我翠琅玕何以報之雙玉盤 又曰我所思兮在

漢陽欲往從之隴坂長側身西望涕沾裳美人贈我貂
襜褕何以報之明月珠 又曰我所思兮在雁門欲往
從之雪紛紛側身北望涕沾巾美人贈我錦繡段何以
報之青玉案 晉張載擬四愁詩曰我所思兮在南巢
欲往從之巫山高佳人遺我筒中布何以報之流黃素
又曰我所思兮在朔涓欲往從之白雪霏佳人遺我
雲中翮何以贈之連城壁 又曰我所思兮在隴原欲
往從之隔泰山佳人遺我雙角端何以贈之雕玉環

又曰我所思考在營州欲往從之路阻修佳人遺我綠
綺琴何以贈之雙南金 宋王徽咏愁詩曰自予抱羈

思眇與日月長載離非宋遠誰謂河難航憂隨積霖密
慨因朗旭彰負之苦不勝即之竟無方如彼引鯢魚待
盡守空梁天地豈私貧運至豈固當既悟非形兆茲數
詎可攘 梁王僧孺夜愁示諸賓詩曰簷露滴為珠池
水合如璧萬行朝淚瀉千里夜愁積孤帳閉不開寒膏
盡復益誰知心眼亂看朱忽成碧 又忽不任愁聊示

固遠詩曰去秋客舊吳今春投故越淚逐東歸水心挂
西斜月未應歲貶顏直以憂殘髮 又劉孝綽夜不得

眠詩曰夜長愁反覆懷抱不能裁披衣坐惆悵當戶立
徘徊風音觸樹起月色度雲來夏葉依窻落秋花當戶
開光陰已如此復持憂自催 又劉孝先和兄孝綽夜

不得眠詩曰夜愁眠不安起望臺南端葉慘風聲異樓
空月色寒笙冷調還數弦脆上琴難百年行詎幾萬慮
坐相攢誰家有明鏡暫借照心看 增梁沈約學省愁

卧詩曰秋風吹廣陌蕭瑟入南闌愁人掩軒卧高窓時
動扉虛館清陰滿神宇曖微微網蟲垂戶織夕鳥傍簷
飛纓佩空為忝江海事多違山中有桂樹歲暮可言歸

杜牧愁詩曰聚散竟無形迴腸自結成古今留不得
離別又潛生降虜將軍思窮秋遠客情何人更憔悴落
第泣秦京 溫庭筠春愁曲曰紅絲穿露珠簾冷百尺

啞啞下纖綆遠翠愁山入卧屏兩重雲母空烘影涼簪
墜髮春眠重玉兔氤氲柳如夢錦疊空牀委墮紅颼颼

掃尾雙金鳳蜂喧蜨戲俱悠揚柳拂赤闌纖草長覺後
梨花委平綠春風和雨吹池塘 又客愁詩曰客愁看
柳色日日逐春深蕩漾春風裏誰知歷亂心 李羣玉

湘中古愁詩曰涼風西海來直渡洞庭水脩脩木葉下
白浪連天起蘅蘭委皓霜百草一時死摧殘負志人感
歎何窮已 又曰昔我觀雲夢窮秋經汨羅靈均竟不
返怨氣成微波奠桂開古祠朦朧入幽蘿落日瀟湘上
淒涼吟九歌 又曰南雲哭重華水死悲二女天邊九

點黛白骨迷處所朦朧波上瑟清夜降北渚萬古一雙
魂飄飄在煙雨 又客愁詩曰客愁看柳色日日逐春
長憑送湘流水綿綿入帝鄉 韓琮春愁詩曰金烏長
飛玉兔走青鬚長青古無有秦娥十六語如弦未解貪
花惜楊柳吳魚嶺雁無消息水擔蘭情別來久勸君年
少莫遊春煖風遲日濃于酒 曹鄴三愁詩曰遠夢如
水急白髮如草新歸期待春至春至還送人 又曰澗
草短短青山月朗朗明此夜目不掩屋頭烏啼聲 又

曰別家鬢未生到城鬢似髮朝朝臨川望灞水不入越
韓偓擁鼻詩曰擁鼻悲吟一向愁寒更轉盡未回頭
綵屏無睡秋分葦紅葉傷時月午樓却要因循添逸興
若為趨競愴離憂殷勤憑仗官渠水為到西溪動釣舟
韋莊愁詩曰避愁愁又至愁事事難忘夜作心中火
朝為鬢上霜不經公子夢偏入旅人腸借問高軒客何
鄉是醉鄉 又春愁詩曰寓思本多傷逢春恨更長露
沾湘竹淚華墮越梅妝睡怯交加夢閒傾瀲灩觴後庭

人不到斜月上松篁 又曰自有春愁正斷魂不堪芳
草思王孫落花寂寂黃昏雨深院無人獨倚門 晁沖
之紀愁詩曰北風吹我裳夏潦漂我屋牛羊殘我稼雀
鼠耗我穀雪寒墮我指雨淫疾我腹朝行桑榆間秋序
傷遠目莫涉水之涯舍沙中兩足攬轡馬病黃伏軾輿
脫輻陟山既見虎還舍乃對鵬一沐三握髮十飯九不
肉先生當離垢居士今耐辱飽聞戒畏途那知有沈陸
胡銓買愁村詩曰北往常思聞喜縣南來怕入買愁

村區區萬里天涯路野草芳煙正斷魂 陸游春愁曲

曰伏羲至今三十餘萬歲春愁日日常相似外大瀛海
環九州無有一州無此愁我顏無愁但歡樂朱顏綠鬢
常如昨金丹九轉徒可聞玉兔千年空搗藥蜀姬雙鬟
姪姹嬌醉看恐是海棠妖世間無處無愁到底事難過
萬里橋 方岳不寐詩曰不寐何為者幽居事更稠怯
風思鶴冷聞雨為花愁草合妨遊屐沙崩壓釣舟看蓑
故無恙欹枕數更籌 真山民夜坐詩曰匹馬平生汗

漫遊如今寂寞老林邱小窓半夜青燈雨幽樹一庭黃
葉秋懶看世情寧睡去怕傷時事莫吟休寒蛩可是知
人意未到莎根只說愁 金朱弁秋夜詩曰秋夜雖漸
永未抵客愁長秋月雖已圓不照寸心方將心貯此愁
真作萬斛量惟月憐此夜誰共千里光空令還家夢欲
趁征鴻翔 又客夜詩曰城月四更上窓風一室幽纖
雲縈雁塞重露逼貂裘兵革何年息乾坤此夜愁殊鄉
兩行淚騷屑灑清秋 高士談春愁曲曰雕花曉露萬

樹冷金井呬啞轉纖綆寶階寂寂苔紋深東風搖碎湘
簾影芙蓉帳暖春眠重窓外啼鶯喚新夢推枕起來嬌
翠顰一線沈烟困金鳳遊絲飛絮俱悠颺慵倚繡牀春
晝長郎馬不嘶芳草暗半篩急雨飛橫塘 元許衡不
寐詩曰秋宵初感慨展轉不成眠老况青燈外羈愁白
髮邊蹉跎嗟往事安穩憶歸年却起開門坐霜清月滿
天 同怨愁詩曰來時容易去何遲半在胸中半在眉
門掩落花春去後窓含殘月酒醒時濃如野外連天草

亂似空中惹地絲除却五侯歌舞地人間何處不相隨

宋无春愁詩曰金雁塵香暗鳳弦紅繩風緊闌秋千
園林寂寞無鶯燕一段春愁是杜鵑 殷全不寐詩曰

中夜不成寐起來看明月候蟲吟一聲愁腸幾回折愁

腸折還續宛轉如環玦出戶野躊躇商飈候已發商飈
來何許吹我頭上髮莫吹淚入河添之作嗚咽 盛或

和春愁曲曰鶯黃柳枝撲輕雨裊斷新愁千萬縷菱花
倦拂瑣窓閒吹得瑤笙雜鶯語下牀不受春風扶傷春

擊碎青珊瑚香消玉散繡針澀間開五色雙鸞離恨

難禁情未悵那肯將心託紅葉翠帷深護曲闌花羞殺

東家白蝴蝶 張寧莫愁樂詩曰金雀玉搔頭生來喚

莫愁自從歡去後不出石城遊 楊守陳不寐詩曰客

夜耿無寐其如鐘漏稀入簾霜氣重當戶月華微切切

候蟲語蕭蕭寒葉飛擁衾成永歎不是為無衣 林大

輅不寐詩曰擁被息塵想蕭蕭雨到蓬孤城連禁柝永

夜動悲風往事疎燈裏新愁濁酒中南歸稀信使明發

報征鴻

原賦魏曹植敘愁賦曰時家二女弟故漢皇帝聘以為
貴人家母見二弟愁思故令予作賦曰嗟妾身之微薄
信未達乎義方遭母氏之聖善奉恩化之彌長迄盛年
而始立修女職於衣裳承師保之明訓誦六烈之篇章
觀圖像之遺形竊庶幾乎英皇委微軀于帝室充末列
於椒房荷印紱之令服非陋才之所望對牀帳而太息
慕二親以增傷揚羅袖而掩涕起出戶而徬徨顧堂宇

之舊處悲一別之異鄉 又愁思賦曰四節更王兮秋

風悲遙思愴恍兮若有遺原野蕭條兮煙無依雲高氣
靜兮露凝衣野草變色兮莖葉稀鳴蜩抱木兮雁南飛
歸室解裳兮步庭前月光照懷兮星依天居一世兮芳
景遷松喬難慕兮誰能仙長短命也兮獨何愆 又九

愁賦曰嗟離思之難忘心慘毒而含哀踐南畿之末境
超引領之徘徊眷浮雲以太息顙攀登而無階匪狗榮
而愉樂信舊都之可懷恨時王之謬聽受姦枉之虛辭

揚天威以臨下忽放臣而不疑登高陵而反顧心懷愁
而荒悴念先寵之既隆哀後施之不遂雖危亡之不豫
亮無遠君之心刈桂蘭而秣馬舍予車于西林顛接翼
于歸鴻嗟高飛而莫攀因流景而寄言嚮一絕而不還
傷時俗之趨險獨惆悵而長愁感龍鸞而匿迹如吾身
之不留竄江介之曠野獨眇眇而泛舟思孤客之可悲
愍予身之翱翔豈天監之孔明將時運之無常謂內思
而自策筭乃昔之愆殃以忠言而見黜信無負于時王

俗參差而不齊豈毀譽之可同競昏瞶以營私害予身
之奉公共朋黨而妬賢俾予濟乎長江嗟大化之移易
悲性命之攸遭愁慙慙而繼懷怛慘慘而情挽曠年載
而不迴長去君乎悠遠御飛龍之蜿蜒揚翠霓之華旌
絕九霄而高騫飄弭節於天庭披輕雲而下觀覽九土
之殊形顧南郢之邦壤咸蕪穢而倚傾駢盤桓而思服
仰御驤以悲鳴紆予袂而收涕僕夫感以失聲履先王
之王路豈淫徑之可遵知犯君之招咎恥干媚而求親

顧旋復之無軌長自棄于遐濱與麋鹿而為羣宿林藪
之歲綦野蕭條而極望曠千里而無人民生期于必死
何自苦以終身寧作清水之沈泥不為濁路之飛塵踐
蹊徑之危阻登岑堯之高岑見失羣之離獸覲偏棲之
孤禽懷憤激以切痛若回刃之在心愁戚戚其無為遊
綠林而逍遙臨白水以悲嘯猿驚聽而失條亮無怨而
棄逐乃余行之所招 魏繁欽愁思賦曰何旻秋之慘
慘處閒夜而懷愁潛白日于玄陰翳朗月于重幽零雨

濛其迅集潢淹汨以橫流聽峻階之回雷心沈切以增
憂嗟王事之靡盬士感時而情悲願出身以徇役式簡
書以忘歸時陟岵以旋顧涕漸纓而鮮晞聽鳴鶴之哀
音知我行之多違悵俯仰而自憐志蹢躅而推威聊弦
歌以厲志勉奉職于閨闈 又弭愁賦曰傷有閑之淑
女採薜荔于朝陽露素質之皎皎綰玄髮以流光結翠
葉于珠簪擢丹華于綠房點圜的之熒熒映雙輔而相
望罷遊閑之妓服褥阿穀之袿裳紉畹蘭于纓佩動掩

暖以遺芳既容冶而多好且妍惠而纖微顧見予之獨
立知我情之思歸鳴環瑱以回眄若欲進而行遲春紅
顏之曄曄何的爍之少羣整桂冠而自飾敷綦藻之華
文從景炎而猗靡粲綿邈以繽紛時瞭眇以含笑收婉
媚以愁人 梁簡文帝序愁賦曰情無所治志無所求
不懷傷而忽恨無驚猜而自愁玩飛花之入戶看斜暉
之度寮雖復玉觴浮椀趙瑟含嬌未足以祛斯耿耿息
此長謠

原文魏曹植釋愁文曰予以愁慘行吟路邊形容枯悴
憂心如焚有元虛先生見而問之曰子將何疾以至於
斯答曰吾所病者愁也先生曰愁是何物而能病子乎
荅曰愁之為物惟惚惟恍不召自来推之弗往尋之不
知其際握之不盈一掌寂寂長夜或羣或黨去來無方
亂我精爽其來也難進其去也易追臨餐困於哽咽煩
冤毒於酸嘶加之以粉飾不澤飲之以蕪肴不肥溫之
以火石不消磨之以神膏不稀受之以巧笑不悅樂之

以絲竹增悲醫和絕思而無措先生豈能為我著龜乎
先生作色而言曰子徒辨子之愁形未知子愁所由生
吾獨為子言其發矣今大道既隱子生末季沈溺流俗
眩惑名位濯纓彈冠誥詠榮貴坐不安席食不終味遑
遑汲汲或慘或悴所鬻者名所拘者利良由華薄凋損
正氣吾將贈子以無為之藥給子以淡泊之湯刺子以
元虛之鍼灸子以淳樸之方安子以恢廓之宇坐子以
寂寞之牀使王喬與子攜手而遊黃公與子咏歌而行

莊生為子具養神之饌老聃為子致愛性之方趨遐路以棲跡乘輕雲以高翔于是精駭意散改心回趣顛納至言仰崇元度衆愁忽然不辭而去

喜一

增說文曰喜樂也不言而悅也 易曰上九傾否先否後喜 尚書曰股肱喜哉元首起哉 毛詩曰風雨如晦雞鳴不已既見君子云胡不喜 又曰我有嘉賓中心喜之 又曰菁菁者莪樂育才也君子能長育人才

則天下喜樂之也 禮記曰樂者音之所由生也其本

在人心之感于物也是故其喜心感者其聲發以散

又曰人喜則斯陶陶斯咏咏斯猶猶斯舞 又曰何謂

人情喜怒哀懼愛惡欲七者弗學而能也 爾雅曰坎

坎傳傳喜也 春秋繁露曰春之為言蠢也蠢蠢者喜

樂之貌 莊子曰夫傳兩喜兩怒之言天下之難者也

夫兩喜必多溢美之言兩怒必多溢惡之言故法言曰

傳其常情無傳其溢言則幾乎全 抱朴子曰人主有

道國有善政則四七從度五星不逆日不蝕朔月不薄望霜不夏繁雷不冬洩喜瑞並臻災厲寢滅此則天喜也淮南子曰喜怒者道之邪也又曰大喜隆陽

太平御覽顏子曰夫哀樂喜怒愛憎欲懼人之情也當其哀也則哭泣擗踊遇其喜也則欲歡笑鼓舞又程

顥曰聖人之喜以物之當喜聖人之怒以物之當怒是聖人之喜怒不繫於心而繫於物也太公六韜曰因其所喜以順其志

喜二

增列子曰堯微服遊于康衢聞兒童謠曰立我烝民莫匪爾極不識不知順帝之則堯喜曰疇教爾為此言童兒曰我聞之大夫問大夫曰古詩也 尚書申侯曰維

王既誅崇侯虎諸侯貢萬民咸喜 禮記曰文王為世

子朝于王季日三雞初鳴而衣服至于寢門外問內豎

曰今日安否何如內豎曰安文王乃喜 又曰武王承

命興師誅商萬國咸喜軍發孟津前歌後舞 楚辭曰

師望在肆昌何識鼓刀揚聲后乃喜 汲冢周書曰師
曠見太子晉曰不遠長道而求一言王子應之曰吾聞
太師將來甚喜而又懼吾年甚少見子而懾盡忘吾其
度 左傳曰城濮之役晉師三日穀文公猶有憂色左
右曰有喜而憂如有憂而喜乎公曰得臣猶在憂未歇
也困獸猶鬪况國相乎及楚殺子玉公喜而後可知也
又曰子產始知然明問為政焉對曰視民如子見不
仁者誅之如鷹鷂之逐鳥雀子產喜以語子太叔曰他

日吾見蔑之面今吾見其心矣 又曰鄭六卿餞韓宣

子于郊宣子曰二三君子請賦起亦以知鄭志子柳賦
蔣方宣子喜曰鄭其庶幾乎 公羊傳曰九月丁卯子

同生子同者孰謂謂莊公也何言乎子同生喜有正也
此言喜有正何久無正子也 又曰齊高子來盟高子

者何齊大夫也何以不稱使我無君也然則何以不名
喜之也 國語曰晉伯宗朝以喜歸其妻曰子貌有喜

何也曰吾言于朝諸大夫皆謂我知似陽子對曰陽子

華而不實言而無謀是以難及于身子何喜焉 韓詩

外傳曰曾子曰吾嘗仕為吏祿不過鍾釜尚猶欣欣然

而喜者非以為多也樂其逮親也 列子曰鄭人有薪

于野者遇駭鹿從而擊之斃恐人之見也遽藏諸隍中

覆之以蕉不勝其喜 戰國策曰呂他亡西周之東周

盡輸西周之情于東周東周大喜 又曰孟嘗君出行

國至楚楚獻象牀郢之登徒直送之不欲行見孟嘗君

門人公孫戌曰臣郢之登徒直送象牀象牀之直千金

傷此若駿標賣妻息不足以償足下能使僕無行先人
有寶劍願得獻之成曰諾入見孟嘗君曰諸國所以皆
致相叩于君以國事累君者悅君之義慕君之廉也今
君至楚而受象牀所未至之國將何以待君孟嘗君曰
善成趨而出孟嘗君曰今子何舉足高志之揚也成曰
臣有大喜三重之以寶劍一孟嘗君曰何謂也成曰門
下百數莫敢入諫臣入諫一喜諫而聽臣二喜諫而止
君之過三喜史記曰趙使藺相如賁璧西入秦秦王

坐章臺見相如相如奉璧秦王大喜傳璧以示美人及左右左右皆呼萬歲 又曰呂后謂高祖季所居之上常有雲氣故從往常得季高祖心喜 漢書曰高祖入關與父老約法三章民大喜 又曰英布間行與隨何俱歸漢王王方踞牀洗足召布入見布大怒悔來欲自死就舍帳御食飲從官如漢王居布又大喜 又曰蕭何聞韓信亡不及以聞自追之人有言上丞相何亡上怒如失左右手居一二日何來謁上且怒且喜 西京

雜記曰樊將軍噲問陸賈曰自古人君皆云受命于天
云有瑞應豈有是乎賈應之曰有之夫目矐得酒食燈
大花得錢財鴉鵲噪則行人至蜘蛛集而百事喜也

漢書曰翟方進隨父至汝南蔡父奇方進形貌有封侯
骨方進既厭為小吏聞蔡父言心喜又曰匈奴單于

言顓壻漢氏以自親元帝以後宮良家子王嬙字昭君
賜單于單于欣喜東觀漢記曰上謂鮑永曰我攻懷

三日兵不下關東畏卿且將故人往即拜永諫大夫至

懷謂太守曰足下所以堅不下者未知孰是也今聖主
即位天下已定不降何待即開城降上大喜與永對食
又曰賈復北與五校戰于真定大破之復傷瘡甚上
驚復病尋愈追及上上見大喜 又曰梁鴻妻椎髻著
布衣操作具而前鴻大喜曰此真梁鴻之妻也 又曰
上幸長安祠高廟十一陵歷覽宮館舊處會郡縣吏勞
賜作樂有縣三老大言陛下入東都臣望顏色儀類似
先帝臣一驩喜百官嚴設如舊時臣二驩喜見吏賞賜

識先帝時事臣三驩喜陛下聽用直諫默然受之臣四
驩喜陛下至明懲艾酷吏視人如赤子臣五驩喜進賢
用能各得其所臣六驩喜天下太平德合于堯臣七驩
喜 又曰上以馮異為孟津將軍屯河上擊走朱鮪追
至洛陽城門環城一匝乃還上聞之大喜諸將皆賀

又曰郭伋字細侯在并州素結恩德行部到西河有童
兒數百各騎竹馬于道次迎拜伋問曰兒曹何自遠來
對曰聞使君到喜故來奉迎 續漢書曰荀爽嘗謁李

膺因為其御既還喜曰今日乃得御李君矣 零陵先
賢傳曰劉巴入益州劉璋見而驚喜每事咨問璋遣法
正迎劉備巴諫不聽閉門稱疾備攻成都命軍中曰其
有害巴者誅及三族及得巴甚喜 司馬彪九州春秋
曰曹公與袁紹相距遣人招張繡繡欲歸紹賈詡勸繡
歸曹公公見之喜執詡手曰使我信重于天下者君也
邴原別傳曰魏太祖為司空辟原署東閣祭酒太祖
北伐克單于還曰孤返鄴諸君必來迎其不來者獨邴

祭酒耳言訖未久而原先至門下通謁太祖大喜魏

志曰荀彧薦郭嘉召見論天下事太祖喜曰使孤成大

業者必此人也嘉出亦喜曰真吾主矣張勃吳錄曰

長沙桓王在歷陽遣書呼周瑜瑜將兵五百船糧器仗

星夜馳赴王大喜執瑜手曰卿至諧矣雷煥別傳曰

張華以煥為豐城令得雙寶劍乃送一劍與華自留一

劍華甚喜曰此干將也檀道鸞續晉陽秋曰謝玄既

破賊有驛書至謝安方對客圍碁看書既畢了無喜色

還碁如故客問之徐曰小兒輩遂已破賊客罷還內過
戶安心喜甚不覺屐齒之折 崔鴻後秦錄曰秦末祆
星見于東井尹緯知秦將滅心喜踴躍向天再拜 孫
嚴宗書曰劉宣字萬壽素曉天文知晉室當復又夢九
土服之覺而喜曰九者桓也桓既吞矣吾當復本土乎
唐書曰陸贄從幸山南道途艱險危從不及與帝相
失一夕不至上喻軍士曰得贄者賞千金翼日贄謁見
上喜形于顏間其寵待如此 通鑑宋紀曰英宗時翰

林學士劉敞進讀史記至堯授舜以天下拱而言曰舜
至側微堯禪之以位天地享之百姓戴之非有他道惟
孝友之德光于上下耳帝悚然改容太后聞之亦大喜
又曰司馬光差役之復為期五日同列病其太迫知
開封府蔡京獨如約悉改畿縣雇役無一違者詣政事
堂白光光喜曰使人人奉法如君何不可行之有

喜三

增天心

雲氣

春秋元命苞兩口銜士為喜喜得朋心
喜者為意意天心史記慶雲喜氣也

似春

毘陽

莊子古之真人其寢不夢其覺無憂其出不訢其入不距淒然似秋煖然似春

喜怒通四時

又曰人大喜邪毘于陽大怒邪毘于

陰陰陽并毘四時不至使人喜怒失位居處無常

施舍

收正

左傳喜有施舍怒有戰鬪喜生于好怒生于惡公孫尼子君子怒則說之以和喜

則收之以正

原孔子攝相

毛義受官

史孔子由大司寇攝行相事有喜色

門人曰聞君子禍至不懼福至不喜孔子曰有是言也不曰樂其以貴下人乎後漢書毛義家貧以孝行稱

張奉慕其名候之會府檄至以義守令義奉檄入喜動顏色

喜四

原生於風

白帖喜生于風

形於色

又曰喜形于色

式宴以喜

詩

一則以喜

謂孝子見親年老而猶克壯也

油然

汲冢周書人有五氣喜氣內畜雖然隱之

陽氣必見喜色油然以出

增粹然

說文口豈為喜豈者陳樂立而上見也人心之悅則其面目粹

然而變知其喜也

趺然

莊子夫逃虛空者藜藿柱乎鼯鼯之足音跂然而喜矣

而况乎昆弟親戚之謦欬其側者乎

瞿然

又曰九方歟謂子綦相子曰相也為祥子綦瞿然喜索然

涕脫然淮南子今夫繇者揭鏤函負籠土鹽汗交流喘息薄喉當此之時得休樾下則脫然而喜

矣巖穴之間非直樾下之休也

見譽

大中子聞謗而怒者讒之由也見譽而喜者佞之媒也絕由去

媒讒佞

私喜

漢書呂嬃嘗以陳平前為高帝謀執樊噲數讒平于呂后曰為丞相不治事日

飲醇酒戲婦人平聞日

四喜

曹植表曰臣得去幽屏之域獲觀百官之美此

益甚太后聞之私喜

一喜也背茅茨之陋登闕闔之闕此二喜也必以有醜之容瞻見穆穆之顏此三喜也將以構机之質稟受崇聖之訓此四喜也

灑然

唐書高祖謂秦王曰爾還洛陽行臺自快以東悉主之建成等因密使人

說帝言秦王左右皆山東人聞還洛皆灑然喜觀其意不復來矣

津津

又曰初三宰相就位二人

磬折趨而李林甫在中軒驚無少讓喜津津出眉宇間少選詔書出耀卿九齡以左右丞相罷林甫嘻笑曰尚左右丞

眉端

劉禹錫呂集序呂溫得一善輒肘銜擊節揚袂頓足信客得色舞于眉端

怒一

增說文曰怒恚也 禮記曰父母怒不悅而撻之流血

不敢疾怨起敬起孝 通鑑程顥答張載書曰人之情

易發而難制者惟怒為甚第能于怒時遽忘其怒而觀理之是非亦可見外誘之不足惡而于道亦思過半矣元史曰或問為治趙良弼曰必有忍乃其有濟人性易發而難制者惟怒為甚必克己然後可以制怒必順理然後可以忘怒惟忍所難忍容所難容事斯濟矣

怒二

增左傳曰公孫闕與潁考叔爭車潁考叔挾輶以走子都拔棘以逐之及于逵弗及子都怒

子都
闕也

又曰先軫

朝問秦囚公曰夫人請之我舍之矣先軫怒曰武夫力而拘諸原婦人暫而免諸國墮軍實而長寇讐亡無日矣不顧而唾 吳越春秋曰吳王伐齊請公孫聖告之聖諫顏大王勿伐齊王大怒曰吾天之所生神之所助使力士石番擊以鐵槌身絕為五 又曰子胥諫吳王王怒賜以屬鏹之劍盛以鷁夷之器投之于江 莊子曰孔子往見盜跖謁者通之盜跖忿怒目如明星駿上指冠 列士傳曰秦召魏公子無忌無忌不行使朱亥

奉壁一雙秦王大怒將朱亥著虎園中亥瞋目視虎皆
裂血出濺虎虎不敢動 韓子曰孟孫獵得麋使秦巴
持之其母隨而呼秦巴不忍而與其母孟孫適至求麋
不得大怒逐之 史記曰孟嘗君過趙平原君客之趙
人聞孟嘗賢出觀皆笑曰始以薛公為魁梧也今視之
乃眇小丈夫耳孟嘗君聞之怒客與俱者下斫擊殺數
百人遂滅一縣以去 又曰鄒陽上書于梁王曰蘇秦
相燕燕人惡之于王王按劍而怒食以駸騫 漢書曰

項羽令將壯士出挑戰漢有善騎射曰樓煩楚戰三合樓煩輒射殺之羽大怒自被甲執戟挑戰樓煩欲射羽羽瞋目叱之樓煩目不能視手不能發走還壁中不敢復出又曰沛公使張良獻璧項羽羽受又獻玉斗於范增增怒撞其斗起曰吾屬今為沛公虜矣又曰黥布反上自征壁庸城與布相望見遥謂布曰何苦而反曰欲為帝耳上怒罵之遂大戰布軍敗走東觀漢記曰有詔會議靈臺所處上謂桓譚曰天下事吾欲識決

之何如譚極言讖之非經上大怒曰桓譚非聖無法將
下斬之譚叩頭流血良久得解又曰戴憑為侍中數
進見問得失憑曰蔣遵清亮忠孝學通古今陛下納庸
受之譖遂致禁錮世以是為嚴上怒曰子欲復黨乎憑
出自繫廷尉詔引見即敕尚書解遵禁錮又曰竇憲
恃宮掖聲勢遂以賤直奪沁水公主園公主不敢訴後
肅宗駕出過園指以問憲憲陰喝不得對後發覺帝大
怒召憲切責曰今貴主尚見枉奪何況小臣乎又曰

和熹鄧后臨朝杜根以安帝年長宜親政事乃上書直諫太后大怒收根盛以縑囊于殿上撲殺之執法者私語行事人使不加力既而載出城外因逃竄 魏志曰

夏侯惇從征呂布為流矢所中傷左目時夏侯淵與惇俱為將軍軍中號惇為盲夏侯惇惡之每覽鏡恚怒輒撲照著地 魏紀曰司馬懿與諸葛亮相守百餘日亮數挑戰懿不出亮乃遺懿巾幘婦人之飾懿怒上表請戰帝使衛尉辛毘杖節為軍師以制之 吳志曰呂蒙

少依姊夫鄧當年十五六竊隨當擊賊當顧見呵叱不能禁止歸以告蒙母母恚怒欲罰之蒙曰貧賤難居設有功富貴可致但不探虎穴安得虎子母哀而舍之

又曰孫權既為吳王歡宴之末自起行酒虞翻伏地佯醉權去翻起坐權大怒手劍欲擊之曰曹孟德尚殺孔文舉孤子虞翻何有哉 晉書曰王導妻曹氏妬導憚之乃密營別館以處衆妾曹氏知而將往焉導恐遽令命駕以所執麈尾柄驅牛而進司徒蔡謨聞之戲導曰

朝廷欲加公九錫導弗之覺但謙退而已謨曰不聞餘物惟有短轅犢車長柄塵尾導大怒謂人曰吾往與羣賢共遊洛邑何曾聞有蔡克兒又曰郗超實黨桓氏以父愖忠于王室不令知之將亡出一箱書付門生曰本欲焚之恐公年尊必以傷慙為弊我亡後可呈此箱不爾便燒之愖後果哀悼成疾門生依旨呈之則悉與溫往反密計愖于是大怒曰小子死恨晚矣又曰周訪為荊州刺史王敦以訪名將勲業隆重有疑色郭舒

說敦曰荊州用武之國公宜自領敦從之訪大怒敦手
書譬釋并遺玉環玉腕以申厚意訪投腕于地曰吾豈
賈豎可以寶悅乎 又曰陶侃嘗出遊見人持一把耒
熟稻問用此何為人云行道所見聊取之耳侃大怒曰
汝既不佃而戲賊人稻執而鞭之 齊書曰世祖在便
殿用金柄刀子剪爪王晏在側曰外聞有金刀之言恐
不宜用此物世祖愕然窮問所以晏曰袁彖為臣說之
上銜怒良久彖到郡坐匿用祿錢免官 後魏書曰李

彪之入京也孤微寡援而自立不羣以李冲好士傾心
宗附冲亦重其器學禮而納焉每言之高祖公私共相
援益及彪為中尉兼尚書為高祖知待便謂非復藉冲
而更相輕背唯公會斂袂而已冲頗銜之後冲震怒數
責彪前後愆悖瞋目大呼投折几案詈辱肆口冲素溫
柔而一旦暴恚遂發病荒悖言語亂錯猶扼腕叫詈稱
李彪小人醫藥所不能療或謂肝臟傷裂旬有餘日而
卒通鑑宋紀曰寇準在鎮值生辰造山柵大宴又服

用僭侈為人所奏帝怒謂王旦曰寇準每事欲效朕可
乎旦曰準誠賢其如驤何帝意解又曰馬知節與王
欽若爭論上前退見王旦詞色猶怒甚曰知節幾欲以
笏擊死之但恐驚動君相耳又曰晏殊從幸王清昭
應宮從者持笏後至殊怒以笏擊之折齒為御史所論
出知宣州又曰哲宗時邢恕為太后姪公繪作書上
太后乞尊禮高氏太后怒罷恕又曰建中靖國時曾
布端主紹述欲引陳瓘附己瓘投書略曰足下尊私史

而歷宗廟緣邊費而壞先政此二者足下之過也布讀之大怒且嘻笑謂曰此書他人得之必怒布則不然雖十書不較也又曰林攄使遼時蔡京使其激怒以啟釁攄遂恣情不遜遼人大怒空客館絕煙火三日乃遣還元史列傳曰圖類遣綽布干詣宋假道且約合兵宋殺使者圖類大怒曰彼昔遣荀夢玉來通好遽自食言背盟乎乃分兵攻宗又曰桑節為行御史臺持風憲湖東僉事三寶珠性廉介御史有以私請者拒不納

則誣以事劾之章至桑節怒曰若人之廉孰不知之乃敢為是言邪即奏杖御史而白其誣

怒三

增伐齊

侵蔡

國語晉卻獻子如齊聘齊頃公使婦人觀而笑之獻子怒歸請伐齊范武子退

自朝曰卻子之怒甚矣不逞于齊必發諸晉國不得政何以逞怒余將致政焉以成其怒也傳齊侯與蔡姬

乘舟于固蕩舟公懼變色禁之不可公怒歸之未之絕也蔡人嫁之齊侯以諸侯之師侵蔡蔡潰

釋

憾

破陰

淮南子人之性有侵犯則怒怒則血充血充則氣激氣激則發怒發怒則有所釋憾矣

又大怒

投牀

橫刀

傳郭莊公與夷射姑飲酒私出聞乞肉焉奪之杖以敲之公在

門臺臨庭閣以瓶水沃庭郭子望見之怒聞
曰夷射姑旋馬命執之弗得滋怒自投于牀

媚嫉

恚憤

柳文超取顯美欲免世之求進者怪怒媚嫉可得
乎 彙苑安祿山反張介然守陳留有詔購賊首

而暴誅慶宗狀祿山入陳留見詔書撫膺大哭曰我何
罪吾子何罪乃殺之即大恚憤殺陳留降者萬人以逞

血流成川斬
介然于軍門

折筯

拂衣

唐舊史廣德公主與帝食
起折七筯帝曰此可為士

人妻乎更許于琮尚主 彙苑鄭畋門下侍郎高駢
請如西戎以公主下嫁南蠻畋與盧攜入議之畋以損

國威靈不可攜怒拂衣去裾蟻于
硯因抵之帝以大臣爭口語俱罷

射彭生

拘蘭子

齊侯田于貝邱見大豕從者曰公子彭生也怒曰彭生
敢見射之列宋有蘭子者以技干宋元君賜金帛又

有蘭子能燕戲以千元君元君大
怒曰彼必復望吾賞拘而擬戮之
遂獻公 鞭冉閔

傳衛獻公戒孫文子甯惠子食皆服而朝日盱不召而射鴻于囿二子從之不擇皮冠而與之言二子怒公出奔齊崔鴻後趙錄冉閔為慕容恪所擒慕容儁立問閔曰汝奴僕不才何自妄稱天子閔曰爾曹人面獸心欲篡逆我一時英雄何為不作帝王邪儁怒鞭之三百

原髮上衝冠 髯奮抵

几

史記蘭相如怒髮上衝冠朱博怒齊吏髯奮抵几

伏屍流血 授兵登陴

國策秦王謂唐雎曰伏屍百萬流血千里天子之怒也雎云大王嘗聞布衣之怒乎王曰布衣之怒亦免冠徒跣以頭搶地耳雎曰此庸夫之怒非士之怒也若士必怒伏屍二人血流五步左傳今執事撓然授兵登陴將以誰罪注

撓助怒貌

怒四

原懲忿

易損卦曰懲忿窒慾注可損之美莫大于忿慾

無悔

詩宜無悔怒

不宜

有

又黽勉同心不宜有怒

內異

又內異于中國注異音被不辭而怒曰異

如怒

又君

子如怒

不怒

禮記神則不怒而威

武怒

奮其武怒

譴怒

憑怒

闕如虢虎

詩王奮厥武如震如怒闕如虢虎

將子無怒

逢天俾怒

詩俾厚也

逢彼之怒

敬天之怒

並詩

不可犯

傳衆怒不可犯難犯

也

衆如水火

左傳衆怒如水火

怒生于兩

怒市于色

左傳

令尹子瑕言蹇由于楚子曰彼何罪謏所謂怒于室家而作色于市人

甯成怒

桑苑甯成拜關

都尉謠曰甯值乳虎無值甯成怒

增宗族皆怒

鄧晨與上起兵新野吏乃曉晨先祖祠堂

滂池室宅焚其塚墓宗族皆怒曰家自富足何故隨婦家入湯錢中晨終無怒色

將士咸怒

蜀志姜維為鄧艾所推還陰平尋被後主勅命乃投甲詣會于涪軍將士咸怒拔劍斫石

無怒
晉孫

登傳登性無恙怒人或投諸水中欲觀其怒既出便大笑

市怒

唐劉武周傳宣言于眾以市怒其軍

不塞眾怒

抑宗元貽蕭俛書聖朝寬大敗黜甚薄不塞眾人之怒

力相并

鎮藩

表怒則以力而相并

天怒

吳武陵遺孟簡書古稱一世三十年子厚之斥十二年殆半世矣霆辟電

射天怒也不能終朝安有聖人在上畢世而怒人臣者邪

銜怒

彙苑楊汝王鐸皆薛逢同年進士收

作相後逢有詩云須知金印朝天容同是沙堤避路人威鳳偶時皆瑞聖應龍無水謾通神收聞大銜之

碎玩好

通鑑宋紀蔡京獻太子以大食國琉璃酒器羅列宮庭太子怒曰天子之大臣不聞以道義相

訓乃持玩好之具蕩
我志邪命左右碎之

恐懼一

增新序曰白公之難楚人有莊善者辭其母將往死之
比至公門三廢車中其僕曰子懼矣曰懼何不反乎善
曰懼者吾私也死君公義也吾聞君子不以私害公遂
至公門刎頸而死 東觀漢記曰龐萌還攻蓋延延與
戰破之詔書勞延曰龐萌一夜反叛相去不遠營壁不
堅殆令人齒擊而將軍有不可動之節吾甚美之 吳

志曰劉備詣京口見孫權求都督荊州權借之共拒曹操操聞以土地借備方作書筆落于地通鑑宋紀曰中丞王安中上疏言蔡京欺君僭上蠹國害民數事帝悚然納之已而再疏京罪帝曰本欲即行卿章以近天寧節俟過此當為卿罷京京伺知之大懼其子攸日夕侍禁中泣拜懇祈帝為遷安中翰林學士

恐懼二

原股戰心憂

魏勃詩知我者謂我心憂

可畏

不懾

禮有威可畏又

詩亦可畏也不足畏也禮
記貧賤而知好禮則志不慚
悄悄惴惴詩憂心悄悄慍于羣

小又惴惴其慄
搶攘惴恐貌不安
忡忡惻惻忡忡詩憂心

又憂心
增隱憂善懷詩如有隱憂
又女子善懷
殷殷奕

奕又憂心殷殷盛貌
欽欽蛩蛩人憂心欽欽
楚

窈糾憂受詩舒窈糾兮幽愁結也
又舒慢受兮憂深思遠
惓惓恤

恤又勞心惓惓
孔疚沈憂詩憂心孔疚古
經憂心無已貌書

鰥鰥楚楚朝野楚楚不安之意也
又
鬱邑纏綿

楚詞鬱邑憂思結也
文選憤久結之纏綿
寤懷淵抱楚詞惟極浦兮寤懷庾信愁

賦三命
戒淵北

跼高天

踏厚地

詩謂天蓋高不敢不跼
謂地蓋厚不敢不踏

徊徨徨

悚悚惴惴

文選徊徨惴惴而驚形心惴惴而發悸

恐懼三

原困于艱晚

易

如臨深淵

詩如臨深淵
如履薄冰

如醉如醒

詩憂心如醉
憂心如醒

心之憂矣

詩

增百罹

詩

如擣

又怒
馬如

擣

如噓

又憂心如噓憂深不
能喘息如噓之然

原若蹈虎尾

書

涉

于春冰

書

增胥慙

書保后
胥慙

如燕巢幕

危懼

慰階

楚詞慰階
懣悶也

懣懣

又懣懣
憂思

墜螭

又怵惕不
自安貌


愕眙

大
選

愕眙驚惶
而張眼貌

勞結
又未足解其勞結

輶張
又輶張驚懼貌



御定淵鑑類函卷二百六十五